

آبونه شرايطي : هر رايچون
سنه لکي (۴۰۰) التي ايلني
(۲۲۵) ، ممالک اجنيه ايچون
سنه لکي (۴۵۰) ، آاني آيلني
(۲۵۰) غروشدر .

نسخه سي ۷,۵ غروشدر .
سنه لکي ۵۲ عدددر .

اداره خانه : باب عالی جاده سنده
رشد افندي خاندنه

اخطارات

آبونه بدلي بشيندر .

مسلكه موافق آثار مع المنونيه
قبول اولتور . درج ايدلنن
يازير اهاده اولتماز .

والله يهدي من يشاء الى صراط مستقيم

کتابخانه

شماره ۱۰۵۰۳۰۳۱

باش محرر
محمد طاکف

صاحب و مدير
اشرف اديب

آدره سي تبليغه ايريه
غروش کوندرمليدر .

مکتوبلرک امضاري واضح
واوقوناقلي اولسي و آبونه
صره نومروسني محتوي
بولونمسي لازمدر

ممالک اجنيه ايچون آبونه
اولانلرک آدرسلرينک
فرانسه جہ يازلسي رجا اولتور .

باره کوندرلديکي زمان نهيه
داثر اولديني بيلديرلسي
رجا اولتور

اتبعون اهدکم سبيل الرشاد

تیره امام و خطیب مکتبی ده لغو ایدیلدی

تیره دن اداره خانه مزه بیلدی ریپور :

« بروقتلر بویوک ماللر ، مؤافلر یتشدیرن تیره بر امام و خطیب مکتبی ده چوقه کورولدی . مکتب لغو ایدیلدی . یکریمی بش جسم کویلره ، ادای صلات ایدیلن یکریمی بویوک جوامع و او نسبتده معمور مساجده مالک اولان تیره بویوکون بو خصوصده اکی قطعی احتیاجلرینی تطمین ایدمک ، وظائف دینه لرینی ایفا ایدمک شخصیتلری یتشدیرن بردارالمرفاندن محروم بولونیور ، آثاریله قیمت و اهمیت معارف و کیلی بکک تحت اعترافنده بولنان و امثالنه نادر تصادف ایدیلن حاجی نجیب پاشا کتبخانه سی نهایت طلبه سز بر ایدیلدی . محیطی خارجنده تحصیل ایدمه بیهک الی بی متجاوز بیچاره طلبه حزین کوزیاشری ایچنده قابو طیشاری ایدیلدی . زواللی تیره ! . بر زمانلر مقرر علما طائمشکن شیمدی ده ناصل بر هاقبه محکوم بر ایدیلدینی تخمین ایدمه مز ایسه ده آنجیق ساکنلری [اذواقتم فی امرهظیم فقولوا حسبنالله ونعم الوکیل] سرینه تجلیکاه اولدی . »

ا . ف

§ خبر آلدیغنه کوره اوده مشده کی امام و خطیب مکتبی ده سد اولونمشدر .

* *

مختلط تدریسات فارسی فرانزک ندری

وقت غزته سی یازیور :

« مارسیلیایه جوار (زاوی) قصبه سنده غریب بر حادثه اولمشدر . وقعه شودر : الیوم موقع اقتدارده بولونان فرانز حکومتی ، توحید تدریسات و مختلط تحصیل اصولنی وضع ایتدیکندن بو خصوصه دائر اولان قانون مذکور قصبه ده تطبیق ایدیلک ایسته نیلمشدر . فقط بونی خوش لورمه ین چوجق و لیلری اولادلرینی مکتبه کوندرمه مک صورتیه مختلط تدریسات قانونک هلیهنده اولدقلرینی کوسترمک ایسته مشلدر . مکتبه آنجیق اوج یکی طلبه قید اولوندیغندن محلی معارف اداره سی ، نظارنه مراجعتله تعقیب ایدیله بک خط حرکت حقنده تعلیمات ایسته مشدر . فرانسه کی بر یرده مختلط تدریساته خلاق معارض ایکن ، بزده تطبیق نصل اولور ، تحف دکلی ؟ »

* *

محل آداب نشریات مقفده

غزته لک یازدیغنه نظراً قانون جزا قومیسونی ، قانون جزانک محل آداب نشریات حقنده کی (۱۳۹) نجی ماده سی بوجه آتی اساسات دائره سنده تعدیل ایتمشدر :

موقوت و غیر موقوت ، مطبوع و غیر مطبوع رسائل و جرائنده آداب عمومیه به مغایر اولارق نظماً و نترأ هزل و هجو و دائر شیئری و یاخود محل اخلاق مقالات و شریقلری و رسملری تحریر ، تصویر ، حک و اعمال ایدنلر ، باصان و یا باصدیرانلر ، یاخود علنی اولماسه بیله فروخت و توزیع ایدنلر و یا طریق عامده یاخود عمومی محللرده انظار عمومیه به وضع ایله ینلر و یا طرف ایچنده ، آجیق اولارق پوسته و سائر وسائیل ایله اقامتگاهلره کوندرنلر ، یاخو . تجارت مقصدیله ممالک اجنبیه دن تورکیه به ادخال و تورکیه داخلنده بر محلدن دیگر محله نقل

ایدنلر و یاخود بونلرک کیفیت طبع و نشرینی اعلان ایدنلر و بوقیل تصاویری هر کیسه اولورسه اولسون ایجار ایدنلر بر آیدن بر سنه به قدر قدر حبس اولونور و اون لیرادن الی لیرایه قدر جزای نقدی ایله تجزیه ایدیلیر . بوندن باشقه موضوع بحث مقالات ، شرقی ، رسم قلدشعلری و نسخ مطبوعه سی مصادره اولونور . آداب عمومیه به مخالف و محل اخلاق بوقیل آثار و موضوعاتی تیارو و سینه مالرده و یا عمومی محللرده تمیل ایدن و ایتدیره نلر و انظار عمومیه به وضع ایدنلر و بویکی آثاره عاند سینه ما شریدلرینی تجارت مقصدیله ممالک اجنبیه دن تورکیه به ادخال و یا تورکیه داخلنده بر محلدن دیگر بر محله نقل ایدنلر کذب بر آیدن بر سنه به قدر حبس اولونور و اون لیرادن الی لیرایه قدر جزای نقدی ایله تجزیه ایدیلیر .

* *

قباحت غزته بیلدرمه سی ؟

آ قحصار قائم مقامنک فاحشه لره بر باطرون جلبی حقنده استانبول و ایلسنه کوندردیکی تحریرات مطبوعه سی خیلی قیل و قالی موجب اولدیلرینی کی بو حوادثک غزته لره عکس ایتمه سندن متأثر اولان داخلیه و کالتیه ولایته اجرای تبلیغانده بولونه رق غزته محرر لرینه معاملات دولت حقنده قطعاً معلومات و یریله مسنی بیلدیرمش و بو امر بوتون دوا ردولنده یوکسک سسله قرائت اولونه رق مندرجاتنه کسب اطلاع ایدیلدیکی قیدیله مأمورلره آری آری امضا ایتدیر یلمشدر .

* *

شریقلر یازدیغنه محروم قالمشدر !

مقری کوی باروت فابریقه لرنده کی انفلاقده وفات ایدن اون ایلی ممله نکه بریشان و سفیل قالان مائله لرینه یاردیم ایتمک اوزره بر مساره ترتیب اولونمش . مساره به دارالبدایع ، دارالتعلیم موسیقی ، روس بکلت هیئت و بحریه باندوسی ده کتیر بلیش . فقط هوانک بوزولسی اکلنجه نیک نشوه سی قاجیرمش . بوکارغما خلق اکلنجه به دوام ایتمک آرزوسنی اظهار ایتمش ، نهایت باغمور کسب شدت ایتمش ، هر کس بر طرفه داغلمش . کنجکلر برچاتی بولهرق آلتنه صیغتمشدر ، دانس ایدرک اکلنمشدر . بر آرزو کره مساره لرینه بر ییلدیرم اصابت ایدرک صحنه بی ده تارمار ایتمش ! ..

* *

اورته لغی قاپولایانه عمومی ضلالت

اقدام صاحبی احمد جودت بک یازیور :

« شمدی یکی بر احتیاج قارشوسنده بولونیور زده اوده جمهوریت حالنده حریته استناد ایدن حیات ملیه ده نه کی قواعد ره طایت ایدلک لازم کله بکنک تمینیدر . مملکت او یله صفحاته کیردی که بوهرج و سرچ آراسنده طوغری بولی بولوب اوکا سلوک ایتمک حقیقه محال کی بر شیدر . حاکمیت ملیه و حریت شخصییه دییه عقله کلنی یازیور و یازیور ز ، حالبوکه بونلرک یوزده سکسانی حقیقت حاله موافق دکلدر . او حالده که حکومتک مأمورلری بیله شاشیریورلر .